



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

De triplici amore, & triplici uenere cap. xxxviii

**urn:nbn:de:hbz:466:1-30433**

LIBER TERTIVS. 106

De triplici amore, & triplici uenere.

Cap. XXXVIII.

**Q**uoniam ergo ad amorem, & uenerem defle-  
cti, atque inclinari natura, aut sideribus desuper  
arbitrantur sese plæriq; (ut paulo ante dicebam)  
conducere uisum fuit, ut quæ uenus, & qui amor ex ea  
inclinatione sequendus sit, iuxta Platoniorum discipulis  
nam, hoc loco referamus, non tamen subtiliter, sed filo  
planè simplici, ac pingui (ut aiunt) Minerua: ut facile om-  
nis lector intelligat, quid sibi in ea re sit agendū. Etenim  
ferunt hi geminas esse Veneres, cœlestē uidelicet, & ter-  
restrem. Veneris utique cœlestis partes dicunt esse, ali-  
licere humanum intellectum ad desyderium illius pul-  
chritudinis perfruendæ, quæ comprehenditur animo  
per contemplationem: & hinc amorem exoriri cœles-  
stem, cuius proprium est attrahere hominem per con-  
temptum terrenorum ad amanda cœlestia, atque hu-  
manam mentem desyderio illius supernæ pulchritu-  
dinis inflammare. Veneris autem terrestris officium  
esse dicunt, accendere non hominem solum, sed etiam  
pecora, ferasq; ad libidinem coeundi: atq; ex ea alterum  
amorem gigni, quem uocant terrestrē cuius facibus ac-  
cendimur ad concupitam formam, ut ei per uoluptatē  
sensuum, & præcipue tactionum in unitatē carnis iunga-  
mur. Et hinc dicunt ipsum hominem, absq; ullo iudicio  
rationis, ex quadā ægritudine animi, modo in hos, mo-  
do in illos improbos, & meretricios amores impinge-  
re. Hunc nero amorem liccirco cæcū pharetratū, puerū,  
uolucrum, nudum ingeniosi poetæ finxerūt: qm̄ re uera,  
pæceps est, ferox, incōstās, dubius, & absq; ullo pudore  
quæ omnia intelligi sub ea fictione uoluerunt. Amore  
igitur ambæ Veneres gignunt, & utraq; sui similē ex eo  
alterum appellamus amorem diuinum, alterum impro-  
bū, & terrenū: Nitūtur aut̄ hi gemini amores p̄ uiribus  
uterq; suis, alter nos altius ad supna leuare, alter inferius

DE CONIV. ET CONTI. SACER.

ad ima delicere. Quoniã uero uterq; forma, & aspectu  
pulchrorũ maxime delectat: unus obiecta qualibet specio  
ciosa forma, per eam mox à terrenis sese recipiens, intẽ  
dit ad illius diuinã, atque cœlestis forme pulchritudi  
nem contemplandam, ut nihil quicquam, aut decorum  
esse, aut præcrea diligẽdũ putet. Vnde fit, ut is ex pul  
cherrimis quibusq; formis, quas hic uidet, ad amãdam  
illam diuinam, atque cœlestem pulchritudinem quam  
non uidet magis magisq; accendatur. At uero alter qui  
terrestris, & mũdanus dicitur, ab ipso statim intuitu pul  
chrorum, uictus specie, ad concupiscentiam statim lasciu  
uã rei concitatur. Et ita sicut amor diuinus, quo moue  
tur homo contemplatiuus, ex templo ab aspectu dedu  
citur ad mentem: sic contra terrenus, qui est uoluptuoso  
rum, repente ab aspectu excitatur ad sensum. Sunt qui  
adiiciant his & territum amorem, qui, & si cœlestis om  
nino non est, ut ille, tamen non improbus, ut iste, sed me  
dius. Is enim conciliatur homini, non tam per speciem  
formã, q̃ etiam per opinionem uirtutis, aut paritatẽ ani  
morum, aut similitudinem studiorum, aut denique per  
cõmunem generis & cognationis affectum. Hinc etiã  
naturalis pietas parentum in filios, ac rursus filiorum in  
parentes, necnõ necessitudo fratrum cognatorum &  
necessariorum, atque etiam charitas amicorum inter se  
uicissim amãtium, quã in uita dirimi sine detestabili sce  
lere, crudelissimaque perfidia non potest. Tres ergo res  
feruntur diuersi amores, qui & tria diuersa nomina, ab  
eo, quod quisque efficit, sortiuntur: Cœlestis uidelicet,  
Terrenus, Humanus. Primus quidem seruit Spiritui, se  
cundus sensui, tertius opinioni, & naturã. Primus igitur  
reddit nos spirituales, secundus bestiales, postremus ani  
males. Huc etiam uidetur spectare, quõd Cicero in eo  
libro: qui de natura Deorum inscribitur, plures Veneres  
memorat: unam Cœlo scilicet & die natam, aliam spu  
ma maris, tertiam Ioue & Dione, quã uulcano nupsit,

addidit quartam Syrio Cypriacq; conceptam, quæ Adonim dicitur adamasse formosissimum puerum: quam possumus interpretari esse nefandissimam Sodomitarū uenerem: de qua superius satis dictum est, ut addi præterea nihil necesse sit.

Adhortatio ad diuinum amorem  
Cap. XXXIX.

**Q**uoties ergo ad uenerem, & ad amorem procliuus, atque propensius inclinari te senseris, quasi in tua genesi Venus & Mercurius congressu, conspectuque mutuo coniuncti fuerint, quo sidere genitos procliuiores solere esse ad amorem astronomi suis commentis fingunt, audi quid tibi agendum sit sine offensione Dei, & sine pernicie dānoq; salutis. Inclinaris tu forte tua natura ad Venerem, & ad amorem: parcē dum est tibi, hic nondum aliquid mali est, immo multū boni, modo tu ad eam tantum intendas Venerem: quæ ex Cælo orta est, & cœlestis dicitur, & quæ cœlestem ac diuinum amorem ex se parit: uel si id, quasi nimis arduū, præstare omnino non potes, ad huc saluæ res sunt, aliud tibi remedium restat: habes alteram Venerē, quā sequaris: quæ Ioue nata nuptiis gaudet legitimis: hanc adire potes, & dum licet, matrimonio copulari, quod Deus instituit legitimum, & sanctum, & impudicam illā Vulcani uxorem, una cum Adonis amica uitare. Verū nos qui coelibem uitam ducimus, ad illam cœlestem tantum Venerem, & ad amorem illum supernum totā debemus aciem mentis attollere: & quum quid usquā oculis arridet, pulchri, actutum nos recipere introrsus ad animum, & hanc eandem speciem, quæ tantopere oculis placet, quærere extra corpus: quatenus mens nostrā, per ea quæ arrident oculis, statim ad contemplandam inuisibilem speciem illius diuinæ pulchritudinis